

სემესტრული ადმინისტრაციული რეგისტრაცია. აკადემიური რეგისტრაცია

1. **რეგისტრაციის ვადები.** სემესტრულ ადმინისტრაციულ და აკადემიურ რეგისტრაციას ბნსუ-ს სტუდენტი/პროფესიული სტუდენტი გადის სემესტრის დაწყებამდე ბნსუ-ს მიერ დადგენილ ვადებში (სამუშაო დღეები: ორშაბათი-პარასკევი/შაბათი, 9⁰⁰ სთ-დან 18⁰⁰ სთ-მდე). სტუდენტს/პროფესიულ სტუდენტს, რომელსაც არ აქვს გავლილი სემესტრული ადმინისტრაციული/აკადემიური რეგისტრაცია, შეუჩერდება სტუდენტის/პროფესიული სტუდენტის სტატუსი მიმდინარე სემესტრის მეორე სასწავლო კვირის გასვლისთანავე. დადგენილისგან განსხვავებულ ვადაში ადმინისტრაციული/აკადემიური რეგისტრაციის გავლის უფლება შეიძლება მიეცეს: ა) საზღვაო რეისში გასასვლელ (ადმინისტრაციული/აკადემიური რეგისტრაციის დაწყებამდე), საზღვაო რეისში მყოფ ან რეისიდან დაბრუნებულ საზღვაო-საინჟინრო ფაკულტეტის სტუდენტს/პროფესიულ სტუდენტს; ბ) სტუდენტს/პროფესიულ სტუდენტს, რომელმაც საპატიო ან მისგან დამოუკიდებელი ობიექტური გარემოებების გამო ვერ შეძლო დადგენილ ვადაში ადმინისტრაციული/აკადემიური რეგისტრაციის გავლა. მითითებულ შემთხვევებში სტუდენტი/პროფესიული სტუდენტი ვალდებულია სემესტრის დაწყებიდან არაუმეტეს 10 სამუშაო დღის (სამუშაო დღეები: ორშაბათი-პარასკევი, 9⁰⁰ სთ-დან 18⁰⁰ სთ-მდე) ვადაში მიმართოს ბნსუ-ს რექტორს განცხადებით, მიუთითოს წესის დარღვევის მიზეზი, განცხადებას დაურთოს შესაბამისი დამადასტურებელი დოკუმენტები და ითხოვოს დამატებით ვადაში ადმინისტრაციული/აკადემიური რეგისტრაციის გავლის უფლება. ყველა განცხადება და თანდართული დოკუმენტები განიხილება ინდივიდუალურად რექტორის, ადმინისტრაციის ხელმძღვანელის-კანცლერის და ფაკულტეტის დეკანის მიერ: გადაწყვეტილება მიიღება განცხადებაში მითითებული გარემოებების და თანდართული დოკუმენტების გათვალისწინებით, უარყოფითი გადაწყვეტილების შემთხვევაში სტუდენტს/პროფესიულ სტუდენტს შეუჩერდება სტუდენტის/პროფესიული სტუდენტის სტატუსი, დადებითი გადაწყვეტილების შემთხვევაში მას მიეცემა ადმინისტრაციული და აკადემიური რეგისტრაციის გავლის და სწავლის (საჭიროების შემთხვევაში – ინდივიდუალური სასწავლო გეგმით) გაგრძელების შესაძლებლობა. მიღებული გადაწყვეტილება სტუდენტს/პროფესიულ სტუდენტს ეცნობა წინამდებარე შინაგანაწესით სტუდენტის/პროფესიული სტუდენტის განცხადების განხილვისთვის დადგენილ ვადაში.

2. **სემესტრული ადმინისტრაციული რეგისტრაცია.** ამით ბნსუ-ს სტუდენტი/პროფესიული სტუდენტი ადასტურებს ბნსუ-ში სწავლის გაგრძელების სურვილს, სემესტრული ადმინისტრაციული რეგისტრაციის შედეგებით დგინდება თუ რამდენ სტუდენტს/პროფესიულ სტუდენტს სურს სწავლის გაგრძელება ბნსუ-ს საგანმანათლებლო პროგრამებით. სემესტრული ადმინისტრაციული რეგისტრაცია გულისხმობს ბნსუ-ს მიერ დადგენილი ოდენობით სწავლის საფასურის (სრული თვითდაფინანსებით სწავლის შემთხვევაში) ან ბნსუ-ს მიერ დადგენილ სწავლის საფასურსა და დოკუმენტურად დადასტურებულ დაფინანსებას შორის არსებული სხვაობის (ნაწილობრივი თვითდაფინანსებით სწავლის შემთხვევაში) გადახდის დამადასტურებელი დოკუმენტის წარდგენას.

3. **აკადემიური რეგისტრაცია.** აკადემიური რეგისტრაციის წინაპირობაა პირველადი/სემესტრული ადმინისტრაციული რეგისტრაციის გავლა. აკადემიური რეგისტრაციის დროს სტუდენტი/პროფესიული სტუდენტი რეგისტრირდება: საგანმანათლებლო პროგრამის სასწავლო გეგმით გათვალისწინებულ სავალდებულო სასწავლო კურსებზე/პროგრამის სხვა კომპონენტებზე; უმაღლესი საგანმანათლებლო პროგრამების შემთხვევაში - მისთვის სასურველ არჩევით სასწავლო კურსებზე; დამატებითი სპეციალობის პროგრამაზე (თუ საბაკალავრო პროგრამის სტრუქტურა ითვალისწინებს დამატებითი სპეციალობის პროგრამას); სასწავლო კურს(ებ)ზე/პროგრამის სხვა კომპონენტ(ებ)ზე, რომლებიც წარმოადგენს მობილობის შედეგად მისაღებ კრედიტებს; სასწავლო კურს(ებ)ზე/პროგრამის სხვა კომპონენტ(ებ)ზე, რომლებიც ახლიდან აქვს შესასწავლი მიღებული უარყოფითი (F) შეფასების გამო. აკადემიური რეგისტრაციის დაწყებამდე სტუდენტმა/პროფესიულმა სტუდენტმა, რომელსაც მიღებული შეფასებების/მიღწეული კომპეტენციების გაუმჯობესების მიზნით სურს განმეორებით ცალკეული სასწავლო კურსების/პროგრამის სხვა კომპონენტების შესწავლა, განცხადებით უნდა მიმართოს რექტორს. განცხადებას ასევე განიხილავენ ადმინისტრაციის ხელმძღვანელი-კანცლერი და ფაკულტეტის დეკანი: შეიძლება იყოს მიღებული გადაწყვეტილება სტუდენტის/პროფესიული სტუდენტის თხოვნს დაკმაყოფილების შესახებ, გადაწყვეტილება მიიღება შემდეგი გარემოებების გათვალისწინებით: 1) პირველ რიგში აუცილებელია აკადემიური რეგისტრაციის გავლა სასწავლო გეგმით დადგენილ სავალდებულო სასწავლო კურსებზე/პროგრამის სხვა კომპონენტებზე, არჩევითი სასწავლო კურსების კრედიტების გათვალისწინებულ რაოდენობაზე და იმ სასწავლო კურსებზე/პროგრამის სხვა კომპონენტებზე, რომლებშიც მისაღებია კრედიტები მობილობის ან უარყოფითი (F) შეფასების გამო; 2) სტუდენტის სურვილით სასწავლო კურსების/პროგრამის სხვა კომპონენტების განმეორებით შესწავლა შესაძლებელია მხოლოდ საგანმანათლებლო პროგრამით სწავლების ძირითად ვადაში (საბაკალავრო პროგრამა – II-VIII სემესტრებში, სამაგისტრო პროგრამა – II-IV სემესტრებში, პროფესიული პროგრამა – გარდა სწავლების პირველი სემესტრისა); 3) სტუდენტის/პროფესიული სტუდენტის სურვილით სასწავლო კურსის/პროგრამის კომპონენტის განმეორებით შესწავლა იწვევს მის დამატებით ფინანსურ ვალდებულებას და შესაძლებელია მხოლოდ შესაბამისი კრედიტების საფასურის გადახდის დამადასტურებელი დოკუმენტის წარდგენის შემთხვევაში. აკადემიური რეგისტრაცია სასწავლო კურსებზე/პროგრამის სხვა კომპონენტებზე შესაძლებელია: 1) სასწავლო კურსზე/პროგრამის სხვა კომპონენტზე, რომლის წინაპირობების დაცვით; 2) კრედიტების ისეთ ოდენობაზე, რომ წელიწადში სტუდენტის/პროფესიული სტუდენტის დატვირთვა არ 75 კრედიტზე მეტი.